



## RESUMO DA XUNTA DE GOBERNO DO 01 DE DECEMBRO DE 2020

### **1. ASISTENCIA AO PLENO. Referencia: 2020/00002462K. RATIFICACIÓN DA URXENCIA DA CONVOCATORIA.**

Apróbase a ratificación da urxencia.

### **2. COMERCIO. Referencia: ESCANAD20.**

#### **APROBACIÓN DAS BASES DO CONCURSO DE ESCAPARATES DE NADAL 2020.**

Apróbanse as bases do “Concurso de escaparates de Nadal 2020” que convoca o Departamento de Comercio do Concello de Santiago de Compostela, así como os gasto dos premios que ascenden a 11.000 euros, desagregados nas seguintes categorías:

- Os premios do xurado son:
  - 1º Premio, dotado con 3.000 euros.
  - 2º Premio, dotado con 2.000 euros.
  - 3º Premio, dotado con 1.000 euros.
  - Premio ao Escaparate Sostible, dotado con 1.000 euros.

O Xurado poderá ademais conceder 2 Accésit, dotados con 500 euros.

- Premios do público, outorgados mediante votación do público que se levará a cabo na páxina de Facebook do Departamento de Comercio do Concello de Santiago.
  - 1º Premio, dotado con 2.000 euros.
  - 2º Premio, dotado con 1.000 euros.

As bases son as seguintes:

1. O concurso de escaparates de Nadal ten como obxecto promover a creatividade dos comerciantes á hora de presentar os seus escaparates e produtos, fomentar a cultura da innovación e da calidade no sector comercial e contribuír á súa reactivación económica de cara á campaña de Nadal.
2. Poderán participar no concurso todos os comercios polo miúdo e negocios de servizos do municipio de Santiago que dispoñan de escaparate aberto ás rúas. No caso de que unha mesma persoa propietaria desexe participar con máis dun establecemento deberá presentar unha solicitude por cada un dos diferentes escaparates que opten aos premios.
3. O tema que deben desenvolver será o Nadal, con total liberdade en canto á súa interpretación, deseño, técnica e estilo. Na valoración dos escaparates terase en conta a integración dos produtos á venda; a composición do escaparate e a súa adaptación á temática de Nadal; a distribución dos elementos; a harmonía das gamas cromáticas, formas, texturas e materiais; a mensaxe ou idea que se transmite; a interacción co público; o emprego de técnicas sostibles, de materiais de refugallo ou de elementos naturais; a

invisibilidade dos elementos auxiliares precisos para a súa construción e mais o grao estimado de traballo empregado na conformación do escaparate final.

4. Os establecementos interesados deberán cumprir co que segue, dentro do prazo de presentación das solicitudes:

- a) Presentar obrigatoriamente a solicitude de participación no concurso por medios electrónicos, a través de formulario normalizado dispoñible na sede electrónica do Concello de Santiago ([sede.santiagodecompostela.gal](http://sede.santiagodecompostela.gal)).
  - b) Enviar entre unha e catro fotografías horizontais do escaparate que se presenta ao concurso, en formato jpg, gif ou png. No seu conxunto, as fotografías non poderán superar o peso de 40 MB e enviáranse a través desta ligazón.
  - c) De xeito opcional, poderanse acompañar dunha memoria explicativa do concepto de escaparate e das técnicas ou materiais utilizados na súa execución. Esta memoria achegarase xunto coas fotografías e a través da mesma ligazón.
5. O prazo de presentación a concurso ábrese coa publicación destas bases e remata o día 10 de decembro ás 15:00 horas.
6. As persoas participantes comprométese a manter os escaparates decorados e visibles ao público ata o 5 de xaneiro de 2021. Comprométese tamén a manter os establecementos iluminados e nas condicións que permitan que o xurado poida visualizar claramente os escaparates. Aos comercios participantes entregaráselles un adhesivo de identificación que deberán colocar obrigatoriamente no exterior do escaparate. Os premios poderán ser declarados desertos.

### **3. EMPREGO. Referencia: 2299L.**

#### **INFORME-PROPOSTA RELATIVO Á DESIGNACIÓN DO XURADO DOS PREMIOS A TRABALLOS ACADÉMICOS SOBRE EMPREGO, DA ANUALIDADE 2020.**

Apróbase o nomeamento como Xurado dos premios a traballos académicos sobre emprego e a xestión do Talento ao composto por:

- Presidente. Xosé A. Sánchez Bugallo. Alcalde
- Secretario. Xabier Ferreiro Campos. Responsable de Emprego
- Vocal 1. Gumersindo Feijoo. Vicerreitor de Planificación, Tecnoloxías e Sustentabilidade USC. Catedrático de Enxeñaría Química
- Vocal 2. Rosa M<sup>a</sup> Regueiro Ferreira. Coordinadora TFG (Traballos Fin de Grao). Facultade Económicas USC
- Vocal 3. Xoán Doldán. Decano Fac. Ciencias Económicas USC
- Vocal 4. Silvia Moscoso. Profesora Titular de Psicoloxía do Traballo. Decana Facultade de Relacións Laborais.
- Vocal 5. Gustavo Marcos Cancela. Consultor
- Vocal 6. Ruben Anido Dominguez. Técnico CEXTEC
- Vocal 7. Mercedes Iglesias Exposito. Técnica CEXTEC

### **4. EMPREGO. Referencia: 1135M.**

#### **INFORME-PROPOSTA DE APROBACIÓN DAS BASES E A CONVOCATORIA DE AXUDAS PARA INCENTIVAR ÁS EMPRESAS PARA A CONTRATACIÓN TEMPORAL POR CONTA ALLEA DO ALUMNADO DO OBRADOIRO DE EMPREGO “CREAS II”.**

Apróbanse as “BASES E A CONVOCATORIA DE AXUDAS A TRAVÉS DE INCENTIVOS Á CONTRATACIÓN TEMPORAL POR CONTA ALLEA DO ALUMNADO DO OBRADOIRO DE EMPREGO CREAS II”. A concesión das axudas realizarase con cargo aos orzamentos municipais, por un importe de **30.000 de euros**.